

肥城縣志

卷之六 藝文志
肥城縣志

周官小史掌天下之地圖達諸王國閭胥掌賢能之書可獻之於王此郡邑者乘所由助也肥邑之志始修於前明隆慶壬申再修於 國朝康熙壬子訖於嘉慶丙子 前令曾君續纂以來又七十六年矣雖山川道里典章文物一如其舊而人才輩出事故紛乘月異而歲不同 教曾承之斯邦曠及兩載聞嘗周歷其境進邑中之秀彥而與之詩詢俗尙博攷遺聞叅諸舊志疏畧馳繆不勝枚舉深致病焉昌黎不云乎莫爲之前雖美弗彰莫爲之後雖盛弗傳官守所寄而文獻無徵亦吾人之恥也今年二月適奉

上官重修山東通志之檄又值 前令邵香聽觀督桂

肥城縣志

卷首 序

冠以後僑寓此間掌教齋荆書院七載於茲 觀督博洽好古居常於肥邑掌故拾遺補闕若有成書緣是不揣禱昧偕與商榷體例重事纂修并延訂邑中士夫分任採訪之役而以 觀督董其成六閱月而事已蒞遂捐薄俸付諸手民 教曾一行作吏此事遂廢區區參訂何敢自附於著作之林惟以舊志相率較則有如宋景文所謂事增於前而文省於昔者豈徒竊取周官之微意而姑塞 上官之命乎哉劄劄旣訖例有弁首之序因誌其顛末以紀歲月焉

光緒十有七年歲在重光單闕陽月

誥授奉直大夫在任候補知州特授萊州府濰縣署肥城
縣知縣歸安凌紱曾公赤父敘



肥城縣志

卷首序

序

邑之有志猶國之有史也作史難作志尤難史者朝廷之事日有記月有籍歷年雖久彙有實錄執筆者集其成而已乃傳至後人猶多訾議而志則數十餘年一脩或百餘年一脩人往風微事多軼缺傳聞各異蒐緝維艱此實齋章氏所以有州縣設立志科之議也肥城自嘉慶二十一年脩志以來迄今七十有六年矣同治六七年間照宰斯邑卽有志續脩彼時軍書旁午守城防河及支應兵車諸急務日不暇給逮東境肅清愚已受代去其後歷任諸公每欲脩葺一經諮議旋以難而中止歲庚寅吳興凌君初

肥城縣志

卷首 序

一

平來蒞斯邑下車後徵文考獻卽以舊志缺畧爲念會大府有奏脩山東通志之舉檄州縣上其志畧凌君遂尅日集諸紳衿議脩縣志照適主講鸞翔書院凌君約與共事而以採訪之任付之諸紳衿剗剔之費紙墨之需凌君皆自任之各鄉社以事實進凌君定其去取屬愚草創而討論之盈一弓則商之凌君加以脩飾閱半載而書成夫以余之淺學尠識當少壯時旣不能致身於金馬石渠執筆侍

天子左右乃作吏數年退而閑居學殖久荒精力衰憊凌君遽付以斯任其書之紕繆百出固不待言惟是凌君以

晉權新邑慨然捐俸以成數十年難成之事而邑之諸君子又自備資斧往來奔走不辭採訪之勞成此盛舉可喜也抑可敬也是爲序

大興邵承照識

肥城縣志舊序

皇帝十有一年令天下郡邑各上所志書彙集編摩用成
垂世大典甚盛舉也肥有舊志兵燹之後版籍蕩然
且

聖主建極百度維新三十年來制作大備志其事者必端
委詳明通達條暢是非利害瞭如指掌始可備攷核
而傳久遠誠未易勝任而愉快也邑人楚令尹公以
投閒與王李二生究心此道者有素李生又爲中丞
同川公齋家有藏書筆無滯義本青緗之興發彤管
之華去留取舍自可信而可傳也付之殺青不亦文

肥城縣志

卷首 舊序

獻之足徵者乎昔人云爲政者必有關雉麟趾之意
然後可以行周官之法度余亦曰作令者必體戒石
十六言之意然後可以爲一邑之全書余蓋用是惕
然矣

昔

康熙十一年歲次壬子臘次

賜進士出身文林郎知肥城縣事棘津尹任書於自公堂

肥城縣志舊序

志者記事之書然不徒爲記事之書也先王建邦啟
土使司牧之寄以山川社稷曰其罔時怨罔時恫哉
錫以土田人民曰其有以養有以教哉故守茲土者
夙夜祇慎成民而致力於神俾山川以奠人民以和
道德以一風俗以同於是載之於志垂於無窮是紀
山川土田紀守山川土田者也紀人物風俗紀治人
物風俗者也而且紀忠孝節義紀其足以垂法萬世
興起人心者也纂修亦烏容已哉然而難言之矣古
列國之有史也皆有史官以掌其事漢唐以來惟守

肥城縣志

卷首 舊序

五

令之賢者自爲之或數十年而一見或數百年而一
見則徵文考獻之難也昔至聖因魯史作春秋文成
數萬其旨數千後世得其意者紫陽綱目而已非得
史外傳心之要則筆削之難也若欲維人心彰風教
者直與日月爭光仰體至聖筆削之意以垂訓萬世
夫豈細人事歟肥邑周之肥子國也繁獨無志聞故
明隆慶壬申歲邑侯顧公與中丞同川李公編輯志
成至崇禎癸未兵荒頻仍簡復淪失比

大清受命

世祖鼎造

皇上龍飛屈指三十年來世治民安化行俗美念舊德者
端有賴於其人焉已酉之歲我

父臺尹公以胡運名世來守是邦政簡刑清愛民壽士
誠民之父母國之循良也閱三年頌聲洋溢百度維
新因慨然於縣志之淪失也欲力爲纂修求之舊簡
蕩然無復存者幸有李君手輯藏本在焉李君諱運
昌同川中丞之苗裔也好學力行念先中丞殫心縣
志思垂永久乃未百年而殘缺且君太母鄭氏苦節
六十年奉公命旌表已列入縣志舊簡既失遂無可
稽君力緝祖武孝思永言於是旁搜博採舉邑之忠

肥城縣志

卷首 舊序

六

孝節義無弗志焉舉山川土田人物風俗無弗紀焉
積數載而書成秘之枕中所以修千百年之掌故也
尹公取其書而筆削之斷自唐虞以迄今茲凡山川土
田人民貢賦鳥獸草木條分類析罔不畢載至於名
宦鄉賢忠孝節烈尤兢兢致詳如郡侯馬公創建書
院遠聘泰山還朴李先生多士向化著身心體驗克
復敦倫諸說及講餘錄數千言隆慶之季侍御尹公
止以肅清君側爲心不以功名得失爲念今觀其勅
嚴相七疏至於廷杖回籍洵人所不能言者又尹公
諱東周歷任蜀滇功績茂著崇祀前朝又諱勳者

尚不任文行表表諸如此類不盡列也非以爲
人心於無窮乎夫誠公之胸襟二百里處五丁定足
駕龍門而執拱風行將登朝翼

聖天子永清大庭聲教覃敷日後先集定

列祖實錄諸太史輪直東觀取肥邑故實爲大一經三
資以詔焉世豈區區郡邑云哉予世居岱下蒞邊瓜
瓞半在肥邑土田室廬半在肥邑邑風氣清麗予
門習習強半亦在肥邑是以獲讀斯志而知志之所
由成也因特表而出之以俟繼起之君子焉

序

肥城縣志

卷首 習序

七

大清康熙壬子仲冬白長至

陽進士

欽命總督倉場戶部右侍郎加一級致仕王度謹識

肥城縣舊志序

邑之有志以傳信也以示公也以鑒往而詔來也故必使一邑之事燦若列眉而後萬世之下瞭若指掌所望名流博物與有道仁人表章而修明之則今之視昔亦猶後之視今矣烏可以闕略而弗敘湮沒而不彰乎昔孔子作春秋整亂繼絕是以筆則繁削則削游夏不能贊焉秦火而後浸以流失所以綱目之作遠紹獲麟也縣志之修詎易言哉肥邑介在齊魯間相傳爲康子采田鸞臺鳳山猶存遺跡云故明隆慶壬申邑侯顧公與中丞同川李公遠稽近取彙輯

肥城縣志

卷首 舊序

八

成書山則牛嶺陶麓川則清河泉源壇分南北戶列軍民至若上中下山土別四則焉忠孝節義風餘三古焉以及縣治學宮名宦人物班班可考而知也無何而兵荒疊見舊簡云亡卽有一二家藏未見全瑜我

皇清定鼎時移勢易不無變通之制如田則改爲一例軍則裁併衛藉賦稅獨照萬厯爲則而明末加派者悉除焉固有不容盡仍其舊者

聖天子御極以來酌古準今纂修刪定可云集百代之大成矣乃以

國史告竣俾天下郡國具圖以上用備採覽然則縣志之修雖一邑紀載所係而亦滿載

皇猷因以見端者也我

父臺尹公以名世之才暫試花封三載內惠政清風已見百廢具舉復於縣魚酌水之暇慕公羊穀梁之意余亦退食於家得以從事其際日與二三同志闔邑師儒理舊緒而更新之然後斷者續闕者補遂稱完璧焉矧以前朝先御史忠耿立朝劾權相撓龍鱗昭然在人耳目先大父著續蜀滇之間名列鄉賢載在祀典又何敢不勉爲續紹以自附於邑人士歟爰僭

肥城縣志

卷首

舊序

九

數言以紀顛末庶足備後之觀風者采擇焉

昔

康熙壬子嘉平月之吉

文林郎原任湖廣永州府永明縣知縣己卯科舉人
邑人尹足法謹序

肥城縣志序

泰安府屬之肥城古肥子國也春秋時入魯爲齊郡地漢屬泰山郡東漢屬濟北國後省入盧三國爲魏地晉宋仍屬濟北仍爲盧元魏復置肥城屬東濟北郡齊爲齊州地周爲肥城郡隋屬濟北郡唐屬魯郡貞觀初省入博城後改博城爲乾封遂爲乾封地宋屬東平郡鄆州爲平陰地金屬東平府仍爲平陰地元復置肥城屬濟甯路明屬濟南府

國朝因之後分屬泰安州雍正十三年升泰安州爲泰安府遂屬泰安府舊爲魯地故人物彬彬雅風俗醇茂

肥城縣志

卷首 舊序

有周公之遺風數千百年如一日以是知流澤餘韻之入人深也昔樂正子春日子適齊過肥肥有君子焉不其然乎志緝於康熙中更百餘年人事錯出不有以增修之將有放失之懼焉南海曾君以庶常改官於嘉慶十四年出宰斯邑爲治五載政事具舉又慮文獻之或有缺墜也於是訪錄舊聞搜採潛德與邑之賢士大夫講求討論卽舊志續而新之實事求是淵淵乎文有其實矣當余典郡之年適斯志落成之日用序數語以著於篇爲賢令尹之能以文治者勸至於山川風物之美泉流華實之資則又天時土

宜亘古如一雖微有變遷要爲博古者所可意得也
嘉慶二十一年十月日知泰安府事長白廷鑑序

肥城縣志

卷首 舊序

肥城縣志舊敘

曾明府蒞任之五年春政事之暇取邑乘閱之經久凋殘文多漫滅不可讀慨然欲謀重修俾余專其事余學識淺陋知小不可謀大力小不可任重昔鄭樵作通志其序略曰江淹有言修史莫難於志誠以志者憲章所係非老於典故者不能自周官外史掌四方之志洎及後世凡省郡州縣莫不有志而前人所稱善本惟常璩之華陽志宋敏求之長安志范志能之吳郡志康德涵之武功志馬定宇之安邱志數家而外其卓然可傳者不少概見余用是惡焉況

肥城縣志

卷首 舊敘

三

明府素居史館雅號宏通弄斧班門何能見巧遂固辭再三終不許謹按舊誌序云邑初無志有之自先中丞同川公始而其書止於明季兵燹不可復得重修於

國朝康熙壬子文甚簡質期於傳信不事藻績蓋其慎也迄今百四十有二年矣閱時既久則其間事之宜補宜續者及今弗修恐自此以往終將湮沒而不彰甯無遺憾歟余家無鄴侯之架足資鑿鑿僅憑見聞所及兼賴同事諸公網羅散失摭拾遺文集衆益而爲之則是編之不醇不備貽譏孤陋者良多愧無以酬

明府付託之意庶幾為異日藁本云爾

邑人李其熙撰

肥城縣志

卷首舊序

四



肥城縣志

纂修

鹽運使銜道員用候補知府升任曹州府同知前肥城縣知縣邵承照
鹽課司提舉銜在任候補知州萊州府濰縣知縣署肥城縣知縣凌紱曾
參閱

肥城縣教諭 王底績

肥城縣訓導 潘振南

署肥城縣訓導 田兆濤

分輯

歷城縣附生 陳士煥

肥城縣志

卷首 姓氏

浙江歸安縣附生 張宗瀚

採訪兼分輯

廩生 孫培本

增 生 朱鼎書

採訪兼校對監刊

試用訓導生 李經元

廩貢生 安玉林

採訪

增 生 喬日皖

臨清州訓導 尹肇簡

附

生 李 蔭

甲

子 科 副 貢 生 朱家惠

四品銜保舉知縣龍黃縣教諭已丑科舉人

尹肇英

廩

生 張傳家

增

生 王紹先

廩

生 尹祥庭

試用

訓導 審 鼎 樂 縣 訓 導 生 胡鳳儀

廩

生 趙乃廣

廩

生 劉冠英

廩

生 王聖範

肥城縣志

卷前 姓氏

二

鴻

臚 寺 房 班 廩 生 尹序周

廩

生 尹德祥

附

生 陳鴻沂

附

生 孫衡陽

附

生 趙翰廷

增

生 李雲飛

歲

貢 生 錢立和

試用

訓導 前 署 長 滿 縣 訓 導 生 李慶之

乙

貢 科 舉 人 張龍文

增

生 李 蔭